

Kulumkele Ukuba Nomona!

Imiyalelo: Funda ezi vesi zeBhayibhile kwindawo ongazukuphazanyiswa kuyo. Njengoko ufunda yiba ngathi ulapho nawe. Yiba ngathi uyayibona into eyenzekayo. Beve ngathi bayathetha abantu abalapho uze uvakalelwe ngendlela abavakalelwa ngayo.

Abalinganiswa abaphambili: UMiriyam, uAron, uMoses

Ushwankathelo: Ngenxa yomona, uMiriyam noAron baye bamkhalazela umntakwabo uMoses.

1 HLALUTYA ESI SIGANEKO.—FUNDA INUMERI 12:1-15.

Ucinga ukuba ngabantu abanjani aba kuthethwa ngabo kule ngxelo?

UMiriyam: _____

UAron: _____

UMoses: _____

Ucinga ukuba ayenjani amazwi kaMiriyam noAron njengoko babethetha kuvesi 2?

Khawube nombono 'womqulu welifu' nendlela elalivakala ngayo ilizwi likaYehova njengoko wayekhalimela uMiriyam noAron. Chaza oko "ukubonayo" noko "ukuvayo."
(Phinda ufunde iNomeri 12:5-9.)

Ucinga ukuba babevakalelwa njani uAron noMoses njengoko ubeva becelela uMiriyam uxolo kuvesi 11-13?

2 PHANDA.

Phakathi kukaMiriyam, uAron noMoses, ngubani owayemncinane ngeminyaka?

Ucinga ukuba oku kwabangela ukuba uMiriyam noAron bathethe njani nomntakwabo uMoses? (Funda iEksodus 2:1-4, 10; 7:7.)

Kwakutheni ukuze uMiriyam noAron babuze lo mbuzo: "Akathethanga nangathi na [uYehova]?" (Icebiso: Funda iEksodus 15:20, 21; 28:1-3.)

Kwakutheni ukuze uYehova abe nomsindo kangaka kuMiriyam noAron? (Funda iNomeri 12:7, 8.)

Yintoni ekwenza ube nomdla kwindlela uMoses awasabela ngayo kumazwi agxekayo?

3 ZISEBENZISE IZINTO OZIFUNDILEYO.

Bhala izinto ozifundileyo . . .
Ngengozi yokuba nomona.

Ngento omele uyenze xa ugxekwa.

4 KHAWUZIBUZE.

Yintoni enokundenza ndibe nomona?

Xa ndigxekwa, ndinokukwazi njani ukuphendula ngokululama nangothando?

Sisiphi isifundo esibalulekileyo esifunde kule ngxelo, yaye ngoba?

Icebiso: Funda le ngxelo nabahlobo okanye amalungu entsapho ngokuvakalayo. Cela omnye ayibalise. Abanye banokufunda indawo kaMiryam, uAron, uMoses noYehova.

